

禮

記

疑

義

六百五十二分十四在故云無射律長四寸六  
 五百六十一分十四在故云無射律長四寸六  
 語曰以下者證無射之義云宣布結人之令德  
 云民執儀者按周語註云乾上九用事無射陽  
 氣上升陰氣收藏萬物無射者也結人后稷之  
 布其德教示以法儀當及時經獲而收獲之  
 鴻雁來賓爵入大水為蛤勃有黃萍射乃祭歌幾禽

訂義註皆記時候也來賓言其容止未去也大

水海也幾猶殺也說仲秋直云鴻雁來今季秋

故不云賓今季秋鴻雁來者容止未去也猶初

賓客故云賓今季秋未去也大水海也者括國語云

雀不經於海為蛤故知大水災海也云幾猶殺也

者以祭祭歌幾禽獸皆殺之但殺獸而猶殺也陳

幾禽則殺之而已不以祭祭之後直云殺禽此亦  
 互文也禽獸初得皆殺而祭之後得者殺而亦  
 也祭也

天子居總章右个乘戎路駕白輅載白旗衣白衣服  
 白玉食麻與犬其器庶以深是月也申嚴號金命百  
 官責賤無不務內以會天地之藏無有宜出物必  
 訂義註總章右个西堂北偏中室內謂收斂入  
 之也會猶聚也疏於此月之時殺命百官責之  
 與賤無不務內內謂收斂其物言責之與賤無  
 有一人不務務收斂內物以會天地之藏者會  
 猶趣也言心皆趣嚮天地所藏之事謂心順天  
 地以深閉藏也無有宜出者以物皆反斂時又  
 閉藏無得有宜露出散其物以逆時氣

乃命冢宰農事備牧舉五穀之要藏帝籍之收於神  
倉祇敬必飭

訂義註備猶盡也要謂定其租稅之簿祇敬重  
業盛之委也帝籍所耕千畝也藏祭祀之穀為  
神倉祇亦敬也積之物故內於神倉公羊傳  
十四年御原亦同云帝籍所耕千畝者鄭氏  
云委謂輸也義亦同云帝籍所耕千畝也祭  
成云籍之言借也借民力所治之田也祭云  
天子為籍千畝冕而朱紱躬秉耒祭云天子  
親耕於南郊是籍田在南郊也云藏祭祀之  
為神倉者以其供神之物故白神倉祇敬者  
言敬者慎以祇敬為心不有怠慢也

是月也霜始降則百工休

訂義註寒而膠漆之作不堅好也

乃命有司曰寒氣總至民力不堪其皆入室

訂義註總猶猥卒陳氏集說曰總至凝聚而至也

上丁命樂正入學習吹是月也大饗帝嘗犧牲告備於天子

訂義註習吹為特饗帝也春夏重舞秋冬重吹

也疏禮器大饗其王事與彼下云三牲魚腊九

州之味美是四方助祭之物故以大饗為禘也與此陳氏集說曰仲夏大雩祈也此月大饗

不同報也饗嘗皆用犧牲仲秋已視金具至此則告

備而後用焉

疑義註言大饗者遍祭五帝也曲禮曰太饗不

問卜謂此也嘗者謂嘗羣神也天子親嘗帝使

有司祭於羣神禮畢而告焉則既若祭一帝之時

今云大饗故知遍祭五帝也此大饗與帝連文

故謂祭天引曲禮云大饗帝不問卜謂此者以連文

禮大饗不云帝此為疑故鄭執之云曲禮祈云謂

此事諸儒多以曲禮大饗非指禘祫祭必是此大饗

此也鄭必知曲禮大饗非指禘祫祭必是此大饗

帝者以同禮祀太神饗大鬼帥執事而下日若

禘祭不待云不問卜也此謂五帝皆饗莫通卜  
河從故知不問卜謂此也此禘祫祭之文禘饗帝  
之不常謂嘗羣神之時使有司展儀牲告其備其  
之云嘗謂嘗羣神之時使有司展儀牲告其備其  
上帝之復云嘗祀百辟知士是禘祫祭之外亦饗  
羣神九月大饗以報功明饗帝之外亦饗羣神

故知此嘗嘗神云使有司祭於尊神者以其  
經云告備於天子故知是天子親嘗者嘗以  
天子親祭經云嘗犧牲之文天子亦曰嘗以  
秋之名因想云嘗犧牲之文天子亦曰嘗以  
秋物新成故也

廷華案饗帝曰大嘗如疏所引禮器禮樂柱賦  
之謂帝亦昊天上帝耳註以遍祭五帝為大饗  
非也至嘗者宗廟秋祭之名註以為常祭尊神

不知何據詳曲禮

合諸侯制百縣為來歲受朔日與諸侯所稅於民輕  
重之法貢藏之數以遠近土地所宜為度以給郊廟  
之事無有所私

訂義註秦以建亥之月為歲首於是歲終使諸  
 侯及鄉遂之國受此法焉貢職所入天子凡周  
 之法以正月和之正歲而歸於象魏風按史記  
 黑龍自為水瑞命河為德水以十月為歲首云  
 貢職謂所入天子者以經云稅於民輕重之法  
 又云貢職之數其文既重故知稅於民者是積  
 貯本國貢職之數者是輸納天子云周之法以  
 正月和之者按太宰職正月之吉始和布治於  
 邦國都鄙云正歲而歸於象魏者小宰職云正  
 歲歸治象之法疏合諸侯者秦十月為歲首此  
 於象魏之是也  
 歲之終也當以新歲故合諸侯命百縣為來  
 歲受朔日之政令投諸侯所稅於民輕重之法  
 貢職之數皆天子制之百縣此來受處分故云



受朔與諸侯所稅於民輕重之法貢職之數皆  
天子之制言與者兼事之辭以遠近土地所宜  
為度者言定稅輕重入貢多少皆以去涼遠近  
之差土地所宜之物為節度無有所私者言既  
給郊廟重事百縣等物無得有所偏私不如法  
制也劉氏曰合諸侯者總命諸侯之國也制猶  
教也百縣諸侯所統之邑也言天子總命諸侯  
各授百縣為來歲受朔日與稅法貢數各以道  
路土宜為度以給上事而無有所私也

疑義註合諸侯制者定其國家宮室車旗衣服

禮儀也諸侯言合制百縣言受朔日互文也

廷華案石梁王氏曰此當以合諸侯制百縣六  
字為句註云合諸侯制不可從其說是也蓋制  
字若屬上句則百縣為來歲受朔句不幾禿耶  
且國家宮室等制已定於始封何必歲歲定之  
是月也天子乃教於田獵以習五戎班馬政

訂義註教於田獵因田獵之禮教民以戰法也

五戎謂五兵弓矢戈矛戈戟也馬政謂齊其色

度其力使同乘也按人職曰凡軍事物馬而頒

之疏知王戎是五兵者以別云班馬政則五戎  
非馬也下文云七路成爲則知五戎非五戎

月令

六

車也且車不須更習故知五戎五兵也按周禮  
 司兵掌五兵鄭注云步卒之五兵則無夷矛而有弓  
 矛後鄭又注云則此註據步卒五兵多矢一也  
 矢如鄭所云則此註據步卒五兵多矢一也  
 長犬二一也六尺五也此隨便而言不依周禮  
 也戰長一六尺五也此隨便而言不依周禮  
 長短之次也齊云政謂齊其色度其力者按田  
 詩傳云宋廟齊云政謂齊其色度其力者按田  
 獵齊足尚疾也此對文言之則戎事齊力故校  
 人橫云凡軍事物馬而頒之註云物馬齊其力  
 但戎事以力為主耳亦須齊色疏天子乃教於  
 故詩云駟騶彭彭是齊色也疏天子乃教於  
 田獵者天子於此陰殺之時乃教人以戰法於  
 田獵之事謂因田獵而教之也以習五戎者謂  
 於田獵之時令人習用五種兵戎之器班馬政  
 著謂班布乘馬之政令

命僕及七駟咸駕載旌旒投車以級整設於屏外

訂義註七駟謂趣馬主為諸官駕馭者也陳氏

曰天子馬六種各一駟既駕之又為之載旌旒

主之并總主一人為七司馬職曰仲秋教治兵如振旅之陳辨旗物之

用王載大常諸侯載旗軍吏載旗師都載禮鄉

遂載物郊野載旒百官載旗是也級等次也整

正列也設陳也屏所田之地門外之蔽疏云七

馬主為諸官駕馭者按周禮趣馬職云掌駕馭

之頃謂第次也是貴賤等列故去為諸官駕馭

也七駟者皇氏云天子馬有六種種別有駟則

引司馬職以下者按周禮司常云日月為常交龍為

通帛為種帛為折羽為熊虎為旗為華為旗為故無  
 為帛全羽為旛折帛為羽為旌以出其路異於在國  
 道車旂車也其王建大路常皆乘戎路異於在國  
 也故司常註云玉路金路不出春振旅者以  
 陽氣方長兵宜止息也夏發舍者以草木茂盛  
 故教以草舍秋教治兵者以殺氣方盛則匪  
 惡故教以草舍秋教治兵者以殺氣方盛則匪  
 因其田獵教以簡閱云屏所由之地門外之蔽  
 者按詩傳云掘經旂以為門驅而入擊則不得  
 入既門外驅車則不得有屏此門外之屏者蓋  
 車入之時則設屏也無疏前既班馬政乃命戎僕  
 事之時則設屏也無疏前既班馬政乃命戎僕  
 御夫及七駒等皆以馬駕車又載旌旒既畢授  
 此七戎之車以其尊卑等級正其行列設於軍  
 門屏之外東西廂以為行陳於是司徒在兩行  
 之間北面誓之或者屏之外左右六軍嚮南而

陳司徒於陳前北面誓之也

疑義註僕戎僕及御夫也戎說按周禮戎僕是戎掌

也以其教戰故不用田僕云及御夫者按周

司馬領旗物王建大常諸侯建旗孤卿建旗

載旋存車載旋注云師都六鄉六遂大夫旋道

州長黨正師師師師師師師師師師師師師師

馬職仲秋治兵是也按司馬職云王載大野

也郊謂鄉也或載軍吏諸師也鄉都遂載物

者以其屬衛王也然王侯所載與仲大夫間

史記卷之七

月令

八

則尊與不尊也其餘

廷華案此因田而教武僕當是田僕註疏止言

我僕非也師都等案詳司常及大司馬

### 司徒摺扑北面誓之

訂義註誓眾以軍法也疏軍法之誓有異田獵

田之法也今此大閱之誓以前新牲以左右狗陳

冬大閱云韋吏聽誓於陳前新牲以左右狗陳

誓之不用命者斬之按經註云凡誓之大略曰誓

也其誓尚書甘誓云左不攻於右右不攻於左

引此九月季秋之政於周為大閱之誓而云今在

此不非之者冬法而非依於秋禮不言之者此文記者

雖誤將作周中冬而文既在夏故曰信以禮也  
然氏以為此文載禮施故解為中秋治兵大  
司馬有羣吏聽誓故引此司徒北而疏司徒地  
以誓證為中冬兩解其義使強通也  
官掌邦教誓者也故司徒職云施十有二教八  
曰以誓教恤則民不怠司馬職云遂以蒐田有  
司表輅誓民鄭云有司大司徒也掌火田後治  
徒庶之政令誓民誓以犯田法之罰也誓曰無  
干車無自後射按彼經註則司徒主誓今田獵  
出軍亦於所獵之地而指拊北面誓之也指揮  
也

天子乃厲飾執弓挾矢以獵命主祠祭禽於四方



訂義註屬飾謂戎服尚威武也今月令臘為射

以所獲禽祀四方之神也司馬職曰羅弊致禽

以祀禘禘屬飾也俗飾本謂屨屬武振容飾定本飾謂容

則弁服也以秋冬之田故弁服若春夏

疑義疏謂獵竟也主祠謂典祭祀者也禽者獸

之通名也四方四方有功於方之神也四時田

獵皆祭宗廟而分時各以為牲也春時四方施

主獵則祭社為主也夏時陰氣始起象神之在

內獵則祭宗廟為主也秋時萬物以成臘則以

報祭社及四方為主也冬時萬物聚多獵則主

用衆物以祭宗廟而亦報於物有功之神於四方也此天子獵既畢因命典祀之官取田獵所獲之禽還祭於郊以報四方之神也冬臘亦何以知然按鄭註秋獮祀方云秋田方祭四方報成萬物詩曰以社以方下云方迎四方氣於郊也鄭又云秋祭社與四方為五穀成熟報其功也又司馬冬獮云致禽饁獸於郊入獻禽以享烝鄭云冬田主用祭物多衆得取也致禽饁獸於郊聚所獲禽因以祭四方神於郊也月令季秋天子既田命主祠祭禽四方是也入又以禽

祭宗廟按於經註更相引證如可見矣其祭四方但用此禽又用別牲故甫田云與我犧羊以社以方是也此祀四方者謂四方五行之神廷華業古為制祭而田不因田而祭此所謂祭禽蓋致禽於應祭之廟壇以供祭耳曰四方壇非一方也註疏以方祭言之大悞

是月也草木黃落乃伐薪為炭

訂義註伐木必因殺氣

蟄蟲咸俯在內皆墜其戶

訂義註墜謂塗閉之辟殺氣疏俯垂頭也墜塗

也前月但藏而坏户至此月既寒故垂頭嚮下以隨陽氣陽氣稍沈在下也而又塗寒其户穴以避地上陰殺之氣也陳氏集說曰內穴之深處也

乃趣獄刑毋留  
有罪收祿秩之不當  
供養之不宜者訂義註殺氣已至有罪者即決也收者天氣殺而萬物成藏可以去之也祿秩之不當思所增如也供養之不宜欲所貪者熊蹯之屬非常食疏春夏陽氣寬施許主人從時雖祿秩不當亦所權許  
今秋陰氣急斂禁罰必當是春夏所權

置者今德收停之也祿秩不當謂彼人不應得祿而王思私與之者共養不宜謂非常之膳求不可得者也

是月也天子乃以犬嘗稻先薦寢廟

訂義註稻始熟也

季秋行夏令則其國大水冬藏殃敗民多艱噎行冬令則國多盜賊邊竟不寧土多分裂行春令則暖風來至民氣解惰師興不居艱者求說文病塞

訂義註大水以下未之氣乘之也六月宿直東井氣多暑雨盜賊以下丑之氣乘之也極陰為

外邊竟之象也大寒之時地隆折也暖風以下  
辰之氣乘之也巽為風不居者辰宿直角角主  
兵不居象風行不休止也疏以十一月一陽生  
十二月二陽生陽生  
內伏於地下因陰在地  
上故云極陰為外也疏其國大水天災冬藏  
殃敗地災民多歎噫人災多盜賊邊竟不寧人  
災土地分裂地災暖風來至天災民氣解惰師  
興不居人災

孟冬之月日在尾昏危中旦七星中

訂義註孟冬者日月會於析木之津而斗建亥  
之辰也疏按三統曆十月節日在尾十度昏危

十四度中去日八十九度旦翼初度中十月中  
日在翼七度昏室十度中去日八十六度旦軫  
五度中按元嘉曆十月節日在心二度昏危一  
度中旦張八度中十月中日在尾十二度昏危  
十三度中旦翼八度中

其日壬癸

訂義註壬之言任也癸之言揆也日之行東北  
從黑道閉藏萬物時萬物懷任於下揆然萌芽  
又因以為日名焉

其帝顓頊其神玄冥

訂義註此自古以來著德立功者也顛項高陽  
 氏也玄冥少皞氏之子曰脩曰熙為水官  
 德云顛項高陽氏之子曰脩曰熙為水官  
 年而位少皞十二年而冠二十五年而登帝位  
 位七十八年而崩以水承金也玄冥少皞氏  
 之子曰脩曰熙為水官  
 熙之子曰脩曰熙為水官  
 熙之子曰脩曰熙為水官

其蟲介其音羽

訂義註介甲也象物閉藏地中龜龜之屬三分  
 商去一以生羽羽數四十八屬水者以為最清  
 物之象也冬氣和則羽聲調樂記曰羽亂則危  
 其財匱說商數七十二餘有四十八故羽數四十



十也其數既少故為最清清者最  
賤物比於人亦為賤故云物之象也

### 律中應鐘

訂義註孟冬氣至則應鐘之律應鐘者姑洗  
之所生三分去一律長四寸七分之二

十周語曰應鐘均利器用俾應復疏姑洗之律

寸之一三分去一則六寸二分有寸有餘

有整一寸九分之二寸有餘

分九分去一分為二分分有餘

分三分去二分其十分餘有三分分有餘

鐘律長四寸二分七分寸有餘  
下者證應鐘之義按春後說云陰氣應其種引周語以  
鐘應其種類律歷志應鐘言陰氣應無射該  
高物而雜陽剛種註聞歲塞也陰雜陽氣該  
為萬物作種晉灼曰外閉曰聞以此言之應  
其種類正謂應無射也云協利器以用俾應復者

按周禮註神六三用事應當也言陰當代陽用  
而陽復始也

### 其數六

訂義註水生數一成數六但言六者亦舉其成  
數

### 其味鹹其臭朽

訂義註水之臭味也凡鹹朽者皆屬馮氣若有  
若無為朽

### 其祀行祭先賢

訂義註冬陰盛寒於水祀之於行從辟除之類

也祀之先祭腎者陰位在下腎亦在下腎為尊

也行在廟門外之西為較壤厚二寸廣五尺輪

四尺祀行之禮北面設主於較上乃割腎及脾

為俎奠於主南又設盛於俎東祭肉腎一脾再

其他皆如祀門之禮既知行在廟門外之西者

以下皆中雷禮又廣五尺輪四尺者謂較壇東

西為廣南北為輪常祀行神之壇則然若於國

外按鄭註聘禮云禮單乘而為廣輪尺數同

也一輪標耳所以然者以兩輪相去八尺今較上者

廣五尺故知不西輪俱標云北面設主較上者

水始冰地始凍雉入大水為蜃虹藏不見

註大取云蓋以吾每林北為神主也鄭

訂義註皆記時候也夫水淮也大蛤曰蜃大知

淮者晉語云淮入於淮為蜃

天子居玄堂左个乘玄路駕鐵驪載玄旂衣黑衣服  
玄玉食黍與蔬其器闕以奄

訂義註玄堂左个北堂西偏也鐵驪色如鐵黍  
秀舒散屬火寒時食之亦以安性也蔬水畜也  
器闕而奄象物閉藏也疏春云載青旂衣青衣  
服蒼玉青深而蒼淺旂與衣雖人所常用不可  
淺深異色故同用青也玉是自然之色不可純  
青故用蒼之淺色夏云載赤旂衣朱衣服赤玉

與春不類者蓋以朱深而赤淺旂可用淺衣必  
用深故衣旂異色赤玉與蒼玉同俱是其色淺  
也冬云載玄旂衣服玄玉者亦以黑深而  
玄淺旂用淺色故其色玄衣用深色故其色黑  
與夏亦同服玄玉者玉從自然之色故其色淺  
而用玄玉也猶如夏云赤玉春云蒼玉相似也  
是月也以立冬先立冬三日大史謁之天子曰某日  
立冬盛德在水天子乃齋立冬之日天子親帥三公  
九卿大夫以迎冬於北郊還反賞死事恤孤寡

訂義註迎冬者祭黑帝於北郊之兆也死事謂

以國事死者若公叔尚人顏涿聚者也孤寡其  
 妻子也有以惠賜之大功加賞疏舉死事之人  
 魯哀十一年魯師與齊戰公叔尚人曰上不能  
 謀士不能死何以治民吾既言之矣敢不勉乎  
 乃與其妻種汪錡赴敵皆死雖無賞賜之文而  
 亦死事之義故以證之哀二十三年晉如伯  
 俞願廣註云齊大夫顏涿聚二十七年齊師將  
 與屈孤子三日朝設乘車兩馬紫五邑馬名顏  
 涿聚之子晉曰罔之役而父死焉今君命女以  
 是邑也服車而朝是其加賞也燕平常惠賜養  
 寡幼少恤孤疏反賞死事者選於郊反亦反於朝  
 也賞死事謂臣人有為國事死者北郊還因殺  
 氣之盛而賞其家後也恤孤寡者恤供給也孤  
 寡即死事者妻子也財祿供給之也

是月也命大史饗龜筮占兆審卦吉凶註今月今字

呂覽太史作太卜

訂義註筮著也占兆龜之繇文也周禮龜人上

春饗龜謂建寅之月也秦以其歲首使太史饗

龜筮與周異矣

疏引周禮龜人上春饗龜謂建

亥月饗龜筮故

云與周異也鄭之此註與周禮

不同周禮云上春饗龜

筮明周亦孟冬饗龜筮故

筮相互矣者周禮云上春饗龜

明周亦孟冬饗龜筮故

云相互也註周禮又云月令秦世之官亦或從

以歲首饗龜耳則與此同也謂秦十月為歲首

一饗而已周禮上春者亦謂夏之建寅之月但

歲首一饗而已無一年兩饗之事此鄭氏註周

禮別解其義也今此月令之註與周禮上春饗

龜以為建寅之月則此與周禮不同彼此鄭為

也兩解疏是月太史之官蒙龜筮謂殺牲以血塗  
蒙其龜及筮筮謂著也亦以血塗之

疑義註卦吉凶謂易也審省錄之而不蒙筮筮

短賤於北也既卦與龜筮連文故畧而不言吉

也二十其頌皆千有二百是也筮短賤於龜北不

得塗蒙但省視錄之而已故云審卦吉凶云審

也直言審不云蒙故言審省錄之而不蒙所以

不蒙者易是筮卦之書賤於龜之書故龜錄云

蒙之筮書則省錄而已觀鄭註占北蒙之分明

與鄭註連其義非也云筮短者左傳僖四年晉  
獻公卜驪姬不吉筮之吉公曰從筮卜人曰筮  
短龜長不如從長杜元凱註龜長之事也告疏非

月令

七



但蒙此龜筮又蒙此占兆繇文以占兆語蒙上  
蒙文也

廷華案占兆審卦對舉吉凶則總承上二者言之  
記文甚明註以吉凶偏屬審卦非也又蒙是一  
事占審是一事說以占兆蒙上蒙文謂又蒙  
此繇文亦非也又春官筮人註謂筮短龜長忌  
辨之詳矣此註又因筮短而謂之賤且謂賤故  
不費不知記合龜筮並言蒙則其說不足信明  
矣

是察阿黨則罪無有掩蔽

訂義註阿黨謂治獄吏以恩曲繞相為也疏是  
察阿黨者謂當是正審察獄吏阿黨之事則在  
下犯罪之人獄吏不能掩蔽故云無有掩蔽  
是月也天子始裘

訂義註九月授衣至此可以加裘

冬 命有司曰天氣上騰地氣下降天地不通閉塞而成

訂義註使有司助閉藏之氣門戶可閉閉之憲  
牖可塞塞之疏若以易卦言之七月三陽在上  
則天氣上騰三陰在下則地氣下降也今十月

月令

六

乃云天氣上騰地氣下降者易含萬物言非一  
梁周流六虛事無定體若以爻象言之則七月  
為天氣上騰地氣下降若氣應言之則從五月  
地氣上騰至十月地氣六陰俱升天氣六陽並  
謝天體在上陽歸於虛無故云上騰地氣六陰  
用事地體在下陰氣下連於地故云地氣下降  
各取其義不相妨也

命百官謹蓋藏命司徒循行積聚無有不斂坏城郭  
戒門閭修鍵閉慎管籥固封疆備邊竟完要塞謹關  
梁塞揆徑

訂義註謹謂府庫國倉有財物積聚謂芻禾薪

燕之屬坏益也鍵壯閉北也管為搏鍵器也固

封疆謂使有司備其溝樹及其衆庶之守法也

要塞邊城要害處也梁橋橫也後徑禽獸之道

也疏鍵壯附北者凡鑲器入者謂之壯受者謂

為鍵閉之物故云搏鍵器以鍵也按檀弓注云管

也則管鍵一物此為別者以類云管是鍵之伴

類仍非鍵也註稱管者以類言之若云鄉里而

何然也管鍵云持鍵器則管為一物義或然也

北者謂將北之謂其獵須則漢書五行志每云

樹邊及樹木非其義也云固封謂使有司種樹

東記定禮卷十七

月令

十九

也今使求疏城郭當須率厚故言坏門閭備擬  
非常故云戒鍵閉或有破壞故云修管齋不可  
妄閉故云審封疆理當險阻故云固邊竟仍擬  
疑盜賊故云備要塞理宜牢固故云完關梁禁  
禦姦非故云謹後徑細小狹路故須塞皆隨事  
戒約故設文不同也

飭喪紀辨木裳審棺槨之薄厚塋丘壟之大小高卑  
厚薄之度貴賤之等級

禮記疏注曰先塋作營則與審字等  
且塋之與營說作崇城非

訂義註此亦閉藏之其順時飭正之也辨衣裳  
謂襲斂尊卑所用也所用又有多少疏其衣裳

襲歛多少及棺槨厚薄其在喪次記立壘小大  
按鄭註家人云漢律列侯墳高四丈闕內侯以  
下各有等差又檀弓註云墳高四尺蓋周之士  
制外無文

是月也命工師效功陳祭器按度程毋或作為淫巧  
以蕩上心必功致為上物勅工名以考其誠功有不  
當必行其罪以窮其情

訂義註霜降而百工休至此物皆成也工師工  
官之長也效功錄見百工所作器物也主於祭  
器祭器尊也度謂制大小也程謂器所容也淫

巧謂奢偽怪好也。蕩謂搖動也。其奢淫勒刻也。  
 刻工姓名於其器以察其信。知其下功。致功不  
 當者。取材美而器不堅也。諸器皆營。令器直。則  
 於祭故云。主於祭器。祭器尊也。度謂制大小。除  
 謂器所容者。以經度。程文列度。是制度大小。除  
 制度之外。唯有容受多少。故以程為器所容也。  
 其信。即疏於是之時。冬間無事。百工造作器物。  
 恐為淫巧。故命工師之官。師長也。命此工官之  
 長。效實百工所造之物。陳列祭器。善惡按度。程  
 者。謂於按此器。舊來制度大小。及容受程限。多  
 少。毋或作為淫巧者。或有也。勿得有作過制之

巧以搖動在上生奢侈之心必功致為上者言  
作器不須靡麗華侈必功力審致為上又每物  
之上刻勒所造工匠之名於後以考其誠信與  
不若其用材精美而器不堅固則功有不當必  
行其罪罰以窮其詐偽之情

是月也大飲烝

疑義註十月農功畢天子與其諸侯羣臣飲酒  
於大學以正齒位謂之大飲別之於他其禮亡  
今天子以燕禮羣國以鄉飲酒禮代之燕謂有  
牲體為俎也黨正職曰國索鬼神而祭祀則以



禮屬民而飲酒於序以正齒位也謂此時也詩

云十月滌場朋酒斯饗曰殺羔羊躋被公堂稱

彼兕觥受福無疆是頌大飲之詩與天子諸侯

酒於公堂者按此大飲是天子之禮故云天子

詩侯與羣臣也禮云詩云天子飲酒於公堂

於大學也云以正齒位者約索鬼神謂塔祭也

文者以此是孟冬肅正云國索鬼神謂塔祭也

此既大飲禮者當用房烝半體之飲則有房烝

萬室有折用載烝故宣十年左氏云王引黨正

及詩者證大飲是十月正齒位也鄭云王引黨正

者禮之特非後公之學校之室舉彼兕觥之壽以

到夫禮臣下度若疏言於是月之時天子諸侯  
與羣臣無禮也大行飲酒為饗禮以正齒位燕升也升  
此牲體於俎之上故云大飲燕陳氏集說曰因  
燕祭而與羣臣大為燕飲也  
廷華案燕為時祭若因燕祭而飲則記當云燕  
大飲今記明言大飲燕則燕又似非時祭但據  
儀禮特牲宋人告祭齊此燕又與齊別則註亦  
未確也或燕本在上蜡簡於下或本作齊傳寫  
誤作燕俱未可知特並以疑存之集說補正曰  
時祭但燕同姓而無羣臣當仍以註說為是不

燕字及羣臣字皆註說為得據之以取陳說况  
據特牲少牢俱有賓賓獨非羣臣耶職制下言  
又言燕祭也據此不重出也曰燕時祭也據與臘  
歲終之祭也據此則燕有腊又有臘矣以腊與臘  
有臘而無腊故鄭合而一  
之要在特祭之外非復也

天子乃祈來年於天宗大割祠於公社及門閭臘先  
祖五祀勞農以休息之

疑義註此周禮所謂蜡祭也天宗謂日月星辰  
也大割大殺羣牲割之也臘謂以田獵所得禽  
祭也五祀門戶中雷竈行也或言祈年或言伏  
割或言臘五文勞農黨正屬民飲酒正齒位是

也。既知此周禮所謂燔者以却特挂燔者索也。

息。老物燔而後息。老此經亦先祭農神乃後勞。

一。燔而致羽祭也。而熊氏皇氏皆謂周禮六祭。

二。燔指彼一變二變而謂之燔也。然彼祭一變。

公。社不祭地。故云祭天宗者不祭天若祭天。

何。須稱宗下。季終云天之神是日月星辰也。按異。

義。六宗賈逵等以為天宗三謂日月星辰也。中。

謂泰山河海鄭氏六宗以為星也。辰也。司命也。風師也。雨師也。不為星也。辰也。司命也。風師也。雨師也。不為星也。辰也。

天。宗謂日月星者尚書六宗文承非類上帝之云。

在下。凡郊天之特日。月。配日月。六宗而云。辰。為星與彼別也。職謂四獵所得禽祭。

月令

二十三



以祠公社以上公配祭故云公社及門閭者先  
祭社後祭門閭故云及臘先祖五祀者臘獵也  
謂獵取禽獸以祭先祖五祀也此等之祭總謂  
之蜡若細別言之天宗公社門閭謂之蜡其祭  
則皮弁素服葛帶榛杖其臘先祖五社謂之息  
民之祭其服則黃衣黃冠鄭註郊特牲云息民  
與蜡異也按黨正云國索鬼神而祭祀則以禮  
屬民而飲酒於序以正齒位則飲酒在蜡祭之  
後此大飲在蜡祭之前者若黨正屬民飲酒在  
蜡之後故下云勞農以休息之註黨正飲酒是

也若天子諸侯羣臣大飲在蜡祭之前故以大飲叙在祈年之前然鄭為大飲之下註引黨年飲酒者證其正齒位同在此月不謂大飲即黨正飲酒也而熊氏以為大飲烝在蜡之後非其義也凡蜡皆在建亥之月而皇氏以為夏殷蜡各在巳之歲終若如此夏家季則計耦耕事也修耒耜其田器不得方始勞農以休息皇氏之說非也

廷華案周禮有蜡而無臘秦人始有臘故祭邑合蜡與臘為一此記言臘鄭亦以蜡言之但蜡

際祭百神則庶無神不舉若以此祀為蜡則鬼神之所遺多矣則鄭說不足信也要知此是秦法祈年也太割祠也臘也三者各自為祭息農亦自為息農但在三祭後行之故連文及之耳要皆非蜡也鄭總謂之蜡既不免於牽合孔又拋去記文臘字而以先祖五祀為息民之祭則言秦之祭者未聞有此名也至以月令為殷禮則又鄭氏武斷之習也若所謂一國之人皆若狂者謂趨之如鶩耳孔乃以正齒位後言之其說禮不幾成兒戲耶六宗說大宗伯案詳之



天子乃命將帥講武習射御角力

訂義註為仲冬將大閱簡習之況田之禮雖狩

最備禮記卷之二十一王狩春秋說云營室主

習射御習者解此經也冬乃命將帥講武

大閱禮記卷之二十一禮儀備

是月也乃命冰虞漁師收水泉池澤之賦毋或敢侵

削衆庶兆民以為天子取怨於下其有若此者行罪

無赦

訂義註因盛德在水收其稅馬氏曰先王之時

川有衡澤有虞皆為之厲禁以平其守而與其

莫以時入之傾其餘於國民則刺下孟上者豈  
其所欲哉故命之曰毋或敢侵削衆庶兆民以  
為天子取怨於下

孟冬行春令則凍閉不密地氣上泄民多流亡行夏  
令則國多暴風方冬不寒蟄蟲復出行秋令則雪霜  
不時小兵時起土地侵削

訂義註凍閉以下寅之氣乘之也流亡象蟄蟲  
動暴風以下巳之氣乘之也立夏異用事異為  
風雪霜不時申之氣乘之也兵起地削申陰氣  
尚微申宿直參伐參伐為兵

此按春秋記云參  
伐主新刈示成行

也疏凍閉不密地氣上泄地災也民多流亡人  
災也國多暴風方冬不寒天災也螽蝗復出地  
災也雪霜不時天災也少兵時起土地侵削人  
災也

仲冬之月日在斗昏東辟中旦軫中

訂義註仲冬者日月會於星紀而斗建子之辰  
也疏按律曆志云仲冬之初日在斗十二度故  
云日在斗也三統曆大雪日在斗十二度昏壁  
五度中去日八十四度旦角三度中冬至日在  
牛初度昏奎十度中去日八十二度旦亢七度

中元嘉曆云大雪日在箕十度昏氏九度中旦  
軫八度中冬至日在斗十四度昏東壁八度中  
晝滿四十五刻旦角七度中

其日壬癸其帝顓頊其神玄冥其姦介其音羽律中  
黃鐘其數六其味鹹其臭朽其祀行祭先賢

訂義註黃鐘者律之始也九寸仲冬氣至則黃

鐘之律應周語曰黃鐘所以宣養六氣九德

元命包黃鐘者始黃註云始萌黃泉中律曆志  
云黃者中之色君之服鐘種也又云黃五色黃  
盛焉故陽氣始種於前孽萌萬物為六氣元也  
周語曰黃鐘所以宣養六氣九德者按彼註十  
一月建子陽氣在中六氣陰陽風雨晦明九德  
金木水火土氣在德利用厚生作事宜備黃鐘

月令

象氣伏地始萌所以備養六德利用地德厚  
養之者若施於入云精正德天德利用地德厚  
生人德土者金  
木水火土穀也

冰益壯地始圻鶡旦不鳴虎始交

訂義註皆記時候也鶡旦求旦之鳥也交猶答  
也嚴陵方氏曰前言冰始冰至此又言冰益壯  
前言地始凍至此又言地始圻凍甚而土相圻  
夜鳴而求旦故謂之鶡旦亦見坊記相彼盍旦  
解夫夜鳴則陰類也然鳴而求旦則求陽而已  
故感微陽之上而不鳴則以得以求故也虎陰  
而交則亦感陽之生故也

天子居玄堂大廟乘玄路駕鐵騮載玄旂衣黑衣服  
玄玉食黍與粳其器閭以卷

訂義註玄堂大廟北堂當大室

飭死事

訂義廷華案下言毋發大衆此言飭死事說似  
相悖故或疑為衍愚謂禮本有冬狩下毋發者  
蓋為無故而發者言之與田狩並行而不悖也  
疑義註飭軍士戰必有死志䟽事異前也因殺  
氣之盛以飭軍士使戰者必有死志故曰飭死  
事也

廷華祭死事武事也兵凶戰危故以死事目之  
飭即因田講武耳註疏以必死之志言在秦或  
有此事若以理言則第曰講武而已善陣不戰  
何必言死

命有司曰土事毋作慎毋發蓋毋發室屋及起大衆  
以因而閉地氣沮泄是謂發天地之房諸蟄則死民  
必疾疫又隨以喪命之曰暢月

訂義註而猶女也暢猶克也大陰用事尤重閉  
藏疏為陽氣凝固陽湏閉藏若起土功開蓋物  
發室屋起大衆開泄陽氣故下云諸蟄則死人

則疾疫也以固而閉者而汝也命此有司云於此之時以堅固汝閉塞之事勿令開動地氣沮泄是謂發天地之房者約束有司其其不固汝所閉之事令地沮泄謂泄漏地之陽氣是發徹天地之房房是人次舍之處擁蔽於此之時天地亦擁蔽萬物不使宣露與房舍相似令地氣泄漏是開發天地之房也如此則諸蟄則死人必疾疫非但蟄死人疾又隨以喪者國有大喪隨逐其後命之曰暢月者若有司云所以須閉藏以其命此月曰暢月暢充也言名此月為充



實之月當使萬物充實不發動故也皇氏云又  
隨以喪者謂逃亡人為疾疫皆逃亡故云又隨  
以喪

是月也命奄尹申宮令審門閭謹房室必重閉省婦  
事毋得淫雖有責戚近習毋有不禁

訂義註奄尹主領奄豎之官也於周則為內宰  
掌治王之內政宮令譏出入及開閉之屬重閉  
外內閉也省婦事所以靜陰類也淫雖女功奢  
偽怪好物也責戚謂姑姊妹之屬近習天子所  
親幸者以此奄尹奄宮之尹於周則內宰俱是  
主領奄官身非奄人故云於周為內宰

內宰非奄也云掌治王之內政者皆辨經中  
宮令也宮令則內政也云識出入及開閉之屬  
者辨經審門疏命奄尹者謂正也謂命奄官正  
長申重之政令常察門閭之事謹慎房室之虞  
必重閉者謂門閭房室必外內重閉遠者謂之  
門閭近者謂之房屋皆有外內門戶必重疊閉  
之此月陰氣既靜故減省婦人之事順陰類也  
婦人須事者務所質素無得過為淫巧其所禁  
婦人無限貴戚姑姊妹之徒及王親近愛習嬖  
寵之類無有不禁者禁之無得淫巧也

乃命大酋秣稻必齊麴蘖必時湛熾必絮水泉必香

陶器必良火齊必得魚用六物大酋監之毋有差貸  
訂義註酒孰曰酋大酋者酒官之長也於周則  
為酒人秫稻必齊謂孰成也湛漬也熾吹也火  
齊腥孰之調也物猶事也差貸謂失誤有善有  
惡也古者穫稻而漬米麴至春而為酒詩云十  
月穫稻為此春酒以介眉壽既酒孰曰酋然則  
酋者酒也  
云於此則為酒者周禮酒正引此大酋為酒  
正也此註大酋為酒者周禮酒正引此大酋為酒  
法或及酒材之事故引大酋證之其實酒正字  
酒之政令及酒出入之事不親監作此大酋證  
作故為酒人也以酒人監作酒故也云古者獲  
稻而漬米麴至春時而為酒者按此十一月者  
大酋作酒之事以十月穫稻於此月漬米麴至  
春而為酒者謂春成也非春始釀故毛詩傳云

春酒味醪又註酒正云清酒今中山冬釀接夏而成是於仲冬季冬以釀也引詩者幽風七月之詩以證糶疏大酋者酒官之長於此之時始糶作酒之事糶大酋者酒官之長於此之時始為春酒先須治擇秫稻故云秫稻必齊齊得成熟又須以時料理麴糵故云必時湛熾必潔者香清也熾炊也謂炊漬未麴之時必須清絮水泉必香陶器必良者所謂用水泉必須香美所盛陶器必須良善火齊必得者謂炊未和酒之時用火齊生孰必得中也兼用六物者秫稻一麴糵二湛熾三水泉四陶器五火齊六也物事也謂作酒之人用此六物作酒大酋監督之無

使有參差貸變使酒誤其善惡

天子命有司祈祀四海大川名源淵澤井泉

訂義註順其德盛之時祭之也馬氏曰盛德在水故應是而祈焉以為民致福也

是月也農有不收藏積聚者馬牛畜獸有放佚者取之不詰

訂義註此收藏尤急之時人有取者不罪所以警懼其主也王居明堂禮曰孟冬之月命農畢積聚繫收牛馬

收作

他疏人引之者證若不積聚收牛馬

山林藪澤有能取蔬食田獵禽獸者野虞教道之其有相侵奪者罪之不赦

訂義註務收飲野物也大澤曰藪草木之實為

蔬食疏按鄭註周禮水鍾曰澤水希曰藪今言大澤曰藪者以有水之虞謂之澤空無水

之虞謂之藪草木之實為蔬食首爾雅云蔬不

然為經蔬謂菜蔬以其能蔬食故為草

木食也山林蔬食榛栗之屬

是月也日短至陰陽爭諸生蕩君子齊戒處必掩身

身欲寧去聲色禁嗜欲女形性事欲靜以待陰陽之所定

訂義註爭者陰方盛陽欲起也蕩謂物動萌芽

也寧安也聲謂樂也山陰陸氏曰上云陰陽爭  
死生分此言陰陽爭諸生蕩相備也相備而言  
死生分於夏言諧生蕩於冬亦言之法毋躁禁  
詞也於陰言如此亦言之法冬言以待夏言以  
定待始事也定終事也

疑義註易及樂春秋說云冬至人主與羣臣從  
八能之士作樂五日此言去聲色又相違說此  
鑿度文及樂緯春秋相違者以夏已違今此復  
以具在仲夏疏文又相違者以夏已違今此復  
又建故言也

廷筆案此記與仲夏記文並有義理註皆以緯

書亂之何也

芸始生荔挺出蚯蚓結麋角解水泉動

訂義註又記時候也芸香草也荔挺馬薺也水泉動潤上下疏芸始生荔挺出者皇氏云以其具香草故應陽氣而出蚯蚓結者蔡云結猶屈也蚯蚓出穴屈首下嚮陽氣動則宛而上首故其結而屈也麋角解者說者多家無明據熊氏云鹿是山獸夏至得陰氣而解角麋是澤獸故冬至得陽氣而解角今以麋為陰獸情淫而遊澤冬至陰氣方退故解角從陰退之象鹿是陽



歌情淫而遊山夏至得陰而解角從陽退之象  
既無明據故略論焉若節氣早則麋角十一月  
解故夏小正云十一月麋角墮是也若節氣  
晚則十二月麋角解故小正云十二月墮麋角  
日短至則伐木取竹箭

訂義註此其堅成之極時

是月也可以罷官之無事去器之無用者

訂義註謂先時權所建作者也天地閉藏而萬  
物休可以去之

塗閭廷門閭築圉圉此以助天地之閉藏也

訂義註順時氣也

仲冬行夏令則其國乃旱氛霧冥冥雷乃發蟄行秋  
令則天時雨汁瓜瓠不成國有大兵行春令則蝗蟲  
為敗水泉咸竭民多疥癩

訂義註旱者干之氣乘之也氛霧霜降之氣散  
相亂也雷震氣動也午屬震雨汁二者酉之氣  
乘之也酉宿值昂畢畢好雨雨汁者水雪雜下  
也子宿值虛危虛危內有瓜瓠兵亦金之氣當  
蟄者出郊之氣乘之也水竭大火為旱疥癩之  
病乎甲之象

疏按天文志瓜瓠疏其國乃旱氛霧

月令

冥冥雷乃發聲皆天災也天時雨汁天災也瓜  
斂不成地災也國有大兵人災也蝗蟲為敗水  
泉咸竭地災也民多疥癩人災也

季冬之月日在婺女昏婁中旦氐中

訂義註季冬者日月會於玄枵而斗建丑之辰  
也疏按律歷志季冬初日在婺女八度三統曆  
小寒日在婺女八度昏婁十一度中去日八十  
四度旦氐十二度中大寒日在危初度昏昴二  
度中去日八十度旦心五度中元嘉曆日在牛  
三度昏奎十五度中晝滿四十五刻六分且元

九度中大寒日在女十度昏胃四度中晝漏四十六刻七分只氏十三度

其日壬癸其帝顓頊其神玄冥其蟲介其音羽律中大呂其數六其味鹹其臭朽其祀行祭先賢

訂義註大呂者蕤賓之所生也三分益一律長八寸二百四十三分寸之百四季冬至則大呂

之律應周語曰大呂助陽宣物疏按蕤賓長六

寸二分六釐上生大呂三分益一分寸二分六釐二分六釐故為八寸其八寸一分寸之二寸六釐

各三分之則為七十八分三分益一分寸之二寸六釐二分六釐故為八寸其八寸一分寸之二寸六釐

分寸之一百四也引周語大呂助陽宣物者證大呂之義也按律曆志云大呂呂旅也言陰大

旅助黃鐘宣  
聚而聚物

雁北鄉鵲始巢雉雞乳

訂義註皆記時候也雉雞鳴也詩云雉之朝雉  
尚求其雌疏雁北鄉有早有晚早者則此月北  
鄉晚者二月乃北鄉故易說云二月驚蟄候雁  
北鄉鵲始巢者此據晚者若早者十一月始巢  
故詩緯推度災云復之日鵲始巢是也雉雞雞  
乳者易通卦驗云雉雞雞乳在立春節與此同  
以立春在此月也通卦驗又云小寒虎始交豺  
祭獸此季冬不言者文不具也若節氣晚則季

冬虎交若節氣早則在仲冬故仲冬虎始交按  
月令九月豺祭獸通卦驗季冬豺祭獸者熊氏  
云再祭也一曰易說誤也無此文

天子居玄堂右个乘玄路駕鐵驪載玄旂衣黑衣服  
玄玉食黍與菘其器閔以奄

訂義註玄堂右个北堂東偏

命有司大難旁磔出土牛以送寒氣

訂義註此難難陰氣也難陰始於此者陰氣右  
行此月之中日歷虛危虛危有墳墓四司之氣  
為厲鬼將隨強陰出害人也旁磔於四方之門

疎也出猶作也作土牛者丑為牛牛可牽止

也送猶單也之疏此月之中者中猶內也謂此月

云日歷虛危司命二星在虛北司之氣者熊氏引

命北司危二星在司長天云墳四星在危東南北

是故為墳墓北方歲終以氣也皇氏以為北方蓋

其義皆非也皇氏又云以季春國難下及於民

以此季冬大難為不及民也然皇氏鮮禮達鄭

索室中驅疫鬼鄭既分明云十二月命方相而

單者此時寒實木單而言單者但意欲全單耳

氣言大者以季春唯國家之難仲秋唯天子之

難此則下及庶人故云太難旁磔者旁謂四方  
之門皆披磔其牲以禳除陰氣出土牛以送寒  
氣者出猶作也此時強陰既盛年歲已終陰若  
不去凶邪恐來歲更為人害其時月建丑又土  
能克水特水之陰氣故特作土牛以畢送寒氣  
也

### 征鳥屬疾

訂義註殺氣當極也征鳥題肩也齊人謂之擊

征或名曰鷹仲春化為鳩疏按釋鳥云鷹鳩也

今云鷹化為鳩左傳云爽鳩氏司寇也郭景純云鳩當為鳩即鳩也此征鳥者則鳩之謂也

月令



流征鳥謂鷹隼之屬也。謂為征鳥如征厲嚴猛疾捷速也。時殺氣盛極故鷹隼之屬取鳥捷疾嚴猛也。祭云大陰殺氣將盡故極疾與時競也。乃畢山川之祀及帝之大臣天之神祇。

訂義註四時之功成於冬孟月祭其宗至此可

以祭其佐也。帝之大臣句芒之屬天之神祇司

中司命風師雨師疏按上孟冬祈來年於天宗

是謂蜡祭則百神皆祭則一變而致羽物山川林

之祇再變而致鱗物川澤之祇是蜡祭並山川

是嶽瀆及殷山川也孟冬不見者文不共孟冬

少於嶽瀆是孟月祭其宗此月祭其佐前孟冬

是祭先畝神農拜祭五帝但孟冬其文不共則

五帝為宗大臣句芒等為位是五月祭宗此月祭其位也孟冬祭司中等是五月祭宗此月祭則天神人鬼山川等皆有宗有位地故先鄭云五月祭宗至此祭後解帝之大臣天神地祇若然山川卑於帝之大臣在先言故以尊卑之序為義例也燕氏云孟冬祭宗至此祭恐唯也廷華案神祇天神地祇也曰天之神祇則地統於天矣或云天下脫地字

是月也命漁師始漁天子親往乃嘗魚先薦寢廟

訂義註天子必親在視漁明漁非常事重之也

此時魚潔美禮按仲秋以犬嘗麻季秋以犬嘗

住特云嘗魚故云明漁非常事重之也此天子親往今此天子親薦新是其常事魚則非常祭之物故云重之也

冰方盛水腹堅命取冰

月令

三

訂義註腹厚也此月日在北陸冰堅厚之時也

北陸謂虛也疏腹者形體腹長故為厚也云此

是北極之次其星當女虛危也陸道也言女虛危

星以疏言此月冰既方盛於時極寒冰實至盛

而云方盛者此謂月半以前小寒之節冰猶未

盛故云方也至於月半以後大寒乃盛水澤腹

堅者腹厚也謂水溼潤澤厚實堅固冰既堅固

故命取水

冰以入令告民出五種命農計耦耕事修耒耜具田

器

訂義註冰既入而今田官告民出五種明大寒  
氣過農事將起也耜者耒之金也廣五寸田器  
鐵鍤之屬疏耒者一寸中為之長六尺有六寸底長  
者二尺有二寸底謂耒下嚮前曲接耜者頭而  
耜耜金鐵為之故云耜耒之金云田器鍤  
雖有鐵鍤者何如待時云之鋤耒云齊人曰  
疏冰以藏入之後大寒以過暖氣方來故令此  
典農之官出五種之物以擬種之

命樂師大合吹而罷

訂義註歲將終與族人飲作樂於大寢以綴  
恩也言罷者此用禮樂於族人最盛後年若時

乃復然也凡用樂必有禮用禮則有不用樂者

王居明堂禮季冬命國為酒以合三族君子說

小人樂既與族人飲者以合三族故知與族人飲

也云作樂於大寢者以其命樂師合吹故知族

人故知於大寢也與宗人圖事之虞既飲族

視大傳云祭之以姓而弗別綴之以食而弗殊

然者謂後年季冬乃復如此作樂以一年頃停

故云罷云凡用樂必有禮而用禮則有不用樂

者以大合吹必當有禮與族人燕飲今唯云命

禮師作樂故云引明堂禮以合三族者三族父  
子也君子說謂卿大夫親親也小人樂謂凡庶也  
於此歲終必族人燕飲樂師之官大合諸樂管

籥之吹以綴思慈之心而逢休罷至來年季冬  
乃更為之

乃命四監收秩薪柴以共郊廟及百祀之薪燎

訂義註四監主山林川澤之官也大者可析謂  
之薪小者合束謂之柴薪施收爨柴以給燎春  
秋傳曰其父析薪今月令無及百祀之薪燎以  
薪柴出於山林川澤故四監為山林川澤之官  
也薪施爨爨柴以給燎者以薪柴並文故知各  
有所用上云薪柴下云薪燎故知柴以給燎引  
春秋傳曰其父析薪者此昭七年左傳辭也其  
父析薪其子弗克負荷引之者證薪是麓大可  
析之物云今月令無及百祀之薪燎者謂無此  
文句也

是月也日窮於次月窮於紀星回於天數將幾終

訂義註言日月星辰運行於此月皆周匝於故  
處也次舍也紀會也疏日窮於次者謂去年季  
冬日次於玄枵從此以來每引移次他辰至此  
月窮盡還次玄枵故云日窮於次月窮於紀者  
紀猶會也去年季冬月與日相會於玄枵自此  
以來月與日相會在於他辰至此月窮盡還復  
會於玄枵故云月窮於紀星回於天者謂二十  
八宿隨天而行每日雖周天一匝早晚不同至  
於此月復其故處與去年季冬早晚相似故云

星回於天數將幾終者幾近也以去年季冬至今年季冬三百五十四日未滿三百六十五日未得正終唯近於終故云數將幾終

歲且更始專而農民毋有所使

訂義註而猶女也言專一女農民之心令之豫有志於耕稼之事不可徭役徭役之則志散失業也疏此月既終歲且更始而女也言在上專一女農之事無得興起造作有所使役也此是制禮者總為約戒之辭此月令之內不云乃命某官之屬者皆是禮家總禁也他皆倣此



天子乃與公卿大夫共飭國典論時令以待來歲之  
宜

訂義註飭國典者和六典之法也

疏經云共飭國典調和飭

正之故云和六典之法六典者則治典教典禮典政典刑典事典是也

疑義註周禮以正月為之建寅而燕之今用此

月則所因於夏殷也疏按大宰職云正月之吉

始和布治小宰云正歲而覲治象之法是也云

今用此月則所因於夏因者不用周法故知因

於夏殷以王者損益不出三代故也

廷華案布治雖在正月此十二月則預先酌定

故曰待也鄭賈拋去待字若是月飭之即於是月布之者其義疏矣夏殷說其習見語不足辨也

乃命大史次諸侯之列賦之犧牲以共皇天上帝社稷之饗乃命同姓之邦共寢廟之芻豢命宰歷卿大夫至於庶民土田之數而賦犧牲以共山林名川之祀凡在天下九州之民者無不成獻其力以共皇天上帝社稷寢廟山林名川之祀

訂義註皇天社稷此所與諸侯共之也列國有大小也賦之犧牲大者出多小者出少饗獻也

芻豢此所以與同姓共也芻豢猶犧牲山川此  
 所與卿大夫庶民共者也歷猶次也卿大夫采  
 地亦有大小其非采地以其邑之民多少賦之  
 民非神之福不生雖有其邦國采地此賦要由  
 民出采地者小宰也歷亦次也卿大夫謂畿內有  
 并至於庶民受田準土田多寡之數賦之犧牲  
 以共山林名川之祀不云士者上卿大夫下  
 擊人共之則在各賦稅之卿大夫出其所與卿大夫  
 與邑采地出其邑之賦稅庶人無邑出其所賦稅以  
 凡在天下九州之民無不咸獻其力是也雖有  
 其邦國采地此賦要由民出者有邦國謂諸侯  
 昔以經中云天下九州之民不云諸侯卿大夫

周云民故疏此皆命大史也列次也來歲方祭  
鄭云此也方祭祀須犧牲犧牲出諸侯之國國有大小故  
命大史書列之以共賦也諸侯同王南面專王  
之土故命之出牲以與王共事天地也既漫言  
諸侯則異姓同姓俱然也賦之犧牲者賦稅出  
也次之隨國大小而出之也以共皇天者賦牲  
所共也社稷者王之社稷也諸侯乃自有社稷  
而始封亦割王社土與之故賦牲共王社稷也  
享獻也出牲以共獻於上帝諸神也芻豢猶犧  
牲也皇天社稷與天下共之故通賦天下國家

也。殺廟先王與同姓國，兵之故，別又命同姓國共之也。言芻乃是牛羊，而又云秦則是犬豕也。天地不用犬豕，社稷大半乃有豕而不用犬，故沒其芻秦而徒云天地犧牲之也。宗廟備六牲，故云芻秦也。廷華案：大宰九貢，一曰祀貢，註謂犧牲芻茅之屬，是犧牲固共自諸侯也。但貢也，不可謂之賦。且大宰掌之，何必大史之次。此與下采邑有賦亦如之，蓋皆秦法耳。

疑義：說皇天、天皇、大帝也。上帝者，靈威仰五帝也。

廷華崇皇天上帝即太宗伯所謂昊天上帝耳  
疏以緯書亂之謬矣

季冬行秋令則白露蚤降介蟲為妖四鄙入保行春  
令則胎天多傷國多固疾命之曰逆行夏令則水潦  
敗國時雪不降冰凍消釋

訂義註白露二者成之氣乘之也九月初尚有  
白露月中乃為霜丑為鼃蟹入保畏兵辟寒象  
胎天傷辰之氣乘之也天少長也此月初甫萌  
芽季春乃句者畢出萌者盡達胎天多傷者生  
氣早至不充其性固疾者生不充性有久疾也

逆者衆害莫大於此水潦以下表之氣乘之也

季夏大雨時行疏按陰陽式法从魚鼈蟹季冬

亥為長此月物萌春乃句者果出萌者

出達地上也云胎大多傷者生氣早至不充其

性者三月之氣在十二月內至故胎萌而暴長

出既性不得充滿所以多傷也胎天既傷國

多同疾衆種之害莫大於此故經云命之盛也

命猶名也言名此曰時逆之事謂惡之盛也

潦敗國時雪不降天災也冰凍消釋地災也

水